

滄
浪
軒
詩
集

滄浪軒詩集

國朝至正中江陰呂彥貞著字句吳居于吳淞之
青龍江以著書自號席帽山人作河清頌臺臣
薦之稱疾不就 至正壬戌以文學錄用有司
敦迫上道子掖任通事司令以父老叩頭泣請
上命吏部符止之戊辰歲年五十卒有滄浪軒集
六卷行世余跋其後云彥貞爲張氏畫策使降
元以拒臺故其游維揚懷舊傷庚申之北遁哀
皇孫之見俘故國舊君之思可謂至于此極矣
其詩則以甲子爲目疲辭讒語啗啞相向未有

如彥貞之發攄指斥一無鯁避者也戊申元日
則云月明山怨鶴天黑道橫蛇丙寅築城則云
孺子成名狂阮籍伯才無主老陳琳殆狂而比
於詩矣在朝籌慶元佐石抹誓死馳驅幾用自
殺佐命之後幽居閭里詩篇寂寥彼其志之所
存與彥貞何以異乎嗚夫舉羽之於宋也彥貞
老於有元之世五十餘年矣不可謂非本朝一
代之逸民也

至正丙午三月昆山德輝顧仲瑛跋於築玉草堂

滄浪軒詩集

席帽山人江陰呂彥貞著

卷第一

戊申

擬古二首

騏驥能致達所重在馴良
干鏐能利用所貴在潛藏
君子崇德行文藝何足臧

象以齒而焚豹以皮而死
豈必惡豹象為愛皮與
齒利為怨之府哲人獨知止

春夜聞子規啼

白帝城高恨不窮。迢迢何事到江東。芳溪淚滴三更雨。古戍啼殘一夜風。響徹疎鐘清磬外。聲淒碧草綠楊中。征鴻昨日終歸去。又此傷春曉夢通。

讀太白詩作

青蓮巨手劈天開。駭絕人間起怒雷。斗酒風情誇獨步。高歌嘯傲壓多才。千秋月影依牛渚。一派江流繞鳳臺。可笑爭名餘小赤。曾將戰線擬鴻裁。

讀少陵詩作

范陽鼙鼓起紛紜。報國詞人獨有君。萬古文章艱遇合。一腔忠孝激風雲。幾曾抗疏迴天怒。直欲談

詩掃冠氛楚蜀爭傳遺蹟在秋江何處弔殘曛

遊寶峰禪院

樹頭鷗吻露訪勝到招提對檻遙峰秀當門曲水
迷經聲鷗不亂花影鳥頻啼坐久耽清靜渾忘日
漸西

麗赤道院

琳宮縹緲盡寒流落木蕭蕭起暮愁四面漁歌喧
野寺一灣溪水抱書樓窻前塔影含煙澹天外嵐
光帶雨秋興盡沙灘垂釣罷竹林深處鷓鴣留

出門三首



出門何欣欣將以省我父我父承 君恩捧檄宰
畿輔憶昔別離時牽袂涕如雨定省踈一載有懷
空復吐豈不戀家鄉白雲生遙嶠

出門何依依堂上有祖母祖母不忍捨惻惻執我
手歎息行路難矧爾猶黃口時余年十二霜露未可蒙
饑寒豈堪受時寄一尺書聊以慰白首

出門何惻惻惜別為兩兄終歲伴燈影一堂共書
聲倏忽分姜被把袂雙淚盈舟子頻相促孤槳咽
離情風帆亂人意回首遠江城

晚宿東臯

一片寒城月。淒涼滿客舟。五更風信急。兩岸露華秋。
蝶夢餘。蓉枕蟲聲起。荻洲鄉音聽。漸遠深夜早。
含愁。

訪故園址

涼颼急。雨午橋荒。賸有殘名屬。辟疆十畝池塘空。
入畫。一時詩酒自流芳。臨風懶按烏絲曲。弄竹猶
懷紫繡粧。羨殺當年花月夜。不堪遺蹟問斜陽。

年伯譚紅山明府枉過舟次

仙令飛鳬地。頻年著誦聲。循良龔渤海。風雅謝宣城。
忽報高軒過。何辭倒屣迎。殷勤懷故舊。款款話

衷情

維揚道中

荒邨落日酒旗輕腸斷吳儂歎乃聲回首鄉關何處是孤帆已過海陵城

出六閘

渺渺長淮水孤舟獨遠征天低高岬合風急片帆輕候鴈依蘆影寒蜚亂櫓聲空懷騎鶴興不見廣陵城

露筋祠

從來怕死是男兒怪煞深閨事轉奇假使當年求

活計千秋白骨有誰知

秦郵道中

蚤發芙蓉閣晚臨甍社湖一帆霜葉落兩岍水花
鋪鴈影沙灘迴吳歌客夢孤文游臺在望懷古感
龍圖

過珠湖書院有感

外祖方雲樵先生昔講學於此

偶因尋舊款松閣對景傷懷涕淚潛兩載簿書羈

下邑

先生年館陶未三年引疾歸里

半生詩酒伴名山

先生著白雲山樵

詩集花飛早入金蓮座露冷空餘玉筍班共說高僧

能滅度

書院舊為蘭若有一寺主將死謂其徒曰鐘不擊自為即吾來也先生來主席時通

說其仙姿底事落人間

晚次寶應用新城尚書辛丑舟暮

維舟楊柳樹落日有歸禽十里蓮花遠三秋碧水
深臨風看月出把酒聽蟲吟客路何曾慣憑流亦
快心

淮陰侯釣臺懷古

炎漢祚過四百歲淮陰勲名獨蓋世登壇指揮收
三秦齊趙轉戰千里地遂此合兵到垓下拒諫前
通志無二豈料兔死狗亦烹千載英雄總酸鼻雖
曰死於彼婦手毋乃隆準太猜忌相國不救反下

石○器○量○真○是○刀○筆○吏○設○使○成○功○不○受○賞○俛○視○南○面○
若○敝○屣○遠○效○范○蠡○近○魯○連○野○鶴○孤○雲○同○高○致○可○憐○
武○勇○超○絳○灌○保○身○却○輸○子○房○智○吾○觀○東○西○兩○釣○翁○
一○則○逃○名○一○慕○勢○兩○賢○終○古○榮○辱○分○浮○雲○富○貴○今○
何○在○行○人○弔○古○淚○歎○歎○清○風○長○憶○嚴○陵○瀨○

題漂母祠

一飯尋常事千秋祠貌留試看隆準叟羹餽却封侯

千金亭

王孫懷舊誼一飯答千金豈有分符寵而忘報德

心

天妃閣

湍水東不住兩崖夾磐石遙望上下流相懸踰尋
尺空波亂嘯號疑近蛟龍宅我時挽舟上水勢雄
如戟一索曳百人偃倭形跼蹐但聞鳴金聲疾徐
按節拍對此心膽寒戰慄失魂魄踰時方出險幾
經勞心力回視下游舟奮飛如雲翮往來同一水
空自羨他客境遇本何常眼前分順逆

渡黃河

萬里崑崙發長淮更合流朔南通一派清濁混三

洲到岼聲偏壯無風浪未休平生觀海志聊此豁
雙眸

黃林庄

時秋水漲發
一望彌漫

洪流渺無際秋色澹晴空獨鳥啼寒樹孤帆趁晚
風還家憑短夢作客任飄蓬悵望蘆花疊田廬白
浪中

八閘行

自臺庄至韓庄共八閘約八十餘里時
湖水暴漲湍流甚急行踰十日始達舟
中昔甚作八閘行

泰山名泉七十二分支南流合汶泗唐宋以後始
河運八閘排列若鱗次沂水西匯波浪高一瀉千
里聲滔滔竭來秋雨更暴漲沂山湖水相周遭兩
崖磐石勢一束半空陡落千重濤爾時正值挽舟
上鳴金擲索狂呼號水夷鼓浪陽侯怒銀海迷離
波光搖洶洶時作吞舟狀對此不覺憂心忉何況
夾岬並山脚白日慘淡凌風颯嗟岬怪石水底立
吳兒無能橫輕篙我想此險不百里片帆瞬息可
過耳豈知晝夜雷霆鳴十日仍在烟波裏遙望博
陵紅塵迷何時直達瀛洲西噫嘻何時直達瀛洲

西

萬年閘贈華守備

異地同為客經旬伴畫舟相如猶落魄李廣未封

侯皓首勞

王事

時守府至山左

漕黃花重旅愁時重陽前

一柳塘分手處汶水自東流

赤山

亂風阻我行維舟日西匿孤村起暮煙迤邐響蘆
荻傍水見邱阿傳有室中宅古道少行人殘堆疊
瓦礫傳聞或失實望古生疑惑文穆本洛人簪纓
蒙舊澤遷徙自何年一朝傷立壁母乃從出母公

劉氏為父起居
即龜圖所迹
漂泊留異域
竊歎古君相
側微多

遺迹就令述
齊東何足累
盛德慨自有
宋來滄桑
幾變易西望
大梁宮油油
禾黍積賜第
麗景門諒
已沒荆棘茲
獨名不朽聞
風感行客想
見落魄人
當年此陶埴

鳳凰嘴

美號何年錫
摹形肖鳳凰
灘高非虎臂
道險似羊腸
但繞烏鴉樹
遙窺燕雀堂
西風起蘋末
客路觸
悲傷

仲家淺謁仲夫子祠堂

先賢釣遊地崇祠枕河側遙瞻行行容萬古義形色升堂愜聖心負米傳孝則我讀孟氏書悠然懷遠畫三善僅小試一匡多慙德公孫誠齊人誼利未分析

題太白酒樓

我聞太白謫仙人南游瀟湘西戡岷平生足迹徧海內煙景到處曜陽春叢爾任城斗大地青眼幾人知王孫獨有竹溪衆逸侶避世宛若逃羸秦偶然酒家共聚首紫綺脫去雄心振玉山顛倒笑莫逆想見胸臆皆嶙峋漁陽一旦動輦鼓宮殿無復

靈○光○新○盲○兒○管○絃○宴○凝○碧○長○蛇○封○豕○交○狂○奔○朝○元○
閨○上○感○風○雨○此○樓○依○舊○輝○河○濱○邇○來○一○千○一○百○載○
呵○護○定○繞○詩○人○魂○小○子○天○壤○一○蟻○蟲○何○敢○侈○擬○無○
懷○民○覽○古○不○覺○發○長○歎○維○舟○黑○夜○披○荆○榛○滄○洲○五○
嶽○想○先○猷○使○我○鄙○薄○成○寬○敦○生○平○望○見○酒○杯○醉○對○
此○竟○可○三○蕉○吞○先○生○神○龍○共○天○矯○俯○視○一○切○如○枯○
鱗○儻○許○孺○子○尚○可○教○高○呼○公○名○公○應○聞○

獲麟渡

垂楊兩後水平津共說當年此獲麟落日西風飄
大野宣尼何處拭羅巾

舟過南旺湖作

齊州自古慕青蒼魯國西來半浦塘
早向午橋尋蟹市偏逢亥日問魚莊
登盤不減尊鱸美入座猶聞蘊藻香
我本江湖舊漁釣煙波快意似吾鄉

臨清即事

濟上繁華地維舟近酒壚回
民多雜處商賈自通衢
水木連燕趙風雲擁舳舻
巍哉京觀在曾此戢萑苻

景州謁董子祠

曲學多鳴日誰能默霸功
收兒方作相公孫宏夫子

復從戎助莊不使斯文喪其如吾道窮並時扶聖教

獨有大毛公

程子謂漢世儒者惟大毛公董子諸葛公三人

十月六日抵博陵

朕違疎定省今日得趨庭繞膝殷勤問年來讀幾經

送北漢家叔南旋

古道長征日高堂遠望時霜繁疲馬滑水落布帆
迎戰慄肌生栗呵噓面挂澌祇因懷孺慕茶苦竟
如飴

雪後偶步

踏雪沂迴溪冰堅河可渡無人共往來不辨東西路

送族叔漆林赴都

早抱荆山璞羈棲嘆轉蓬烏衣綿世澤

叔為香樹先生文孫

絳帳坐春風

時主近書院

未必依人老何妨乞食窮

叔留

別家君人

云乞食陶潛其

京華作鄉國馬首快馳

為飽依人王栗木熙家

東

除夜

少小離鄉早驚心歲序新纔逢天末節却聚眼中人馬帳墮篋樂菜衣笑語親遙知念子季猶得共

芳春

巳酉

人日風雨有懷江南諸昆弟

從來異地最酸辛
況復關門度令辰
窻外可憐今日雨
眼中不見故鄉人
迷離碧海沈孤夢
澹蕩流雲暗塞塵
料得堦簷多寂寞
江天獨坐草堂春

蕪菱亭懷古敬和家君元韻

漢代河山已迭更
荒亭此日尚留名
纍臣早感巾車德
哲后難忘豆粥情
大樹勲猷千古重
咸陽衣李寸心明
祇今過客懷魚水
紀績雲臺並有聲

謁馮母祠

國史何曾載傳聞却到今九泉銜主德一劍固兒
心廟貌丹青古祠門草木深行人此憑弔鄉蜀想
徽音

送業師左峰伯赴都

斜陽一抹杏花紅柳汁沾衣點染工想見吟鞭多
快意新詩貯滿錦囊中

城東晚步

獨步東臯上悠然見遠邨倦雞棲獨樹老馬下高
原集燕人蹤亂風高鳥影翻墟烟紛四起歸路漸

黃昏

訪實建德故壘

奮跡高難箔當年氣象雄發喪申義舉戒殺見仁
風閨閭能持體臣僚盡竭忠可憐輸日角霸業竟
成空

郊行懷彭餓夫了凡

了凡名之燦蠡縣人遭倭亂棄諸生客
饒陽為鄉塾師已而從孫鍾元徵君於
蕪門或授之粟不受竟坐死嘯臺旁徵
君題曰餓夫墓

國祚當式微鼓鼙聲未已賊兵入關口畿輔望風
靡紛紛署降表不惜同犬豕先生一青衿獨能行
其是聊作避秦人脩然辭桑梓長年謀舌耕足迹
屏城市最後游蕪門貧窶甘就死不媿采薇風百
世可興起靈輒與鮑焦小諒何能比峨我百門山
混混百泉山水有崩竭先生名不毀

楊花二首

趁逐東風去復回何曾似雪積成堆憐他弱質無
歸着孤負深閨詠絮才

東塗西抹任飄零陣陣隨風落遠汀變化如君成

底事依然水面作浮萍

送春

邊城春事費招尋
風雨無端又暗侵
祇愛山間啼鳥換
不知檻外落花深
多情舞蝶芳魂杳
浪跡游蜂素影沈
試問繁華何處最
夢婆遙指在江潯

苦雨

商羊頻作祟十日雨滂沱
汎濫驚漂麥連綿悵偃禾
輕車如畫舫坦道有危波
到處哀鴻怨遙聞勞者歌

喜北溟叔濟堂兄自南來署口號

小阮新隨大阮來南樓玉漏已三催聯牀莫訴相思苦且伴離人笑舉杯

縣齋讀書同濟堂杖園兩兄作

白馬趨庭日青鐙課讀時籬邊松月入簾外竹風吹已協塹篴樂還舒此牀悲闊情惟伯氏南國賦將離

送北溟家叔赴京兆

憶昔青溪鼓畫橈孫樓載酒訪南朝於今匹馬燕山去夢繞秦淮上下潮

積雨深林夏若秋旗亭柳色餽鳴騶湘靈鼓瑟吾

家事又賦峯青在上頭

夏日槐下納涼作

官舍東園有老槐古幹蟠結何竒瑰枝葉扶疎蔭
半畝盛夏涼意生庭階從來官衙似傳舍兔目鼠
耳誰栽培扶持或賴神明力雨露養成梁棟材往
過來續更人代鬱葱不受風霜頽念我本是菰蘆
產無端朝暮同書齋此中似有夙緣在莫忍使汝
終沈埋我聞古人友松竹不妨結契稱朋儕又聞
公卿序位次九棘同列居無猜人生窮通豈可定
布衣往往登三台異日花時作舉子仗爾呵護攄

鴻裁還當相依立廊廟雷雨大展經綸才

青蠅

北地蠅多亂翠幃終朝塵尾不停揮冥頑那識人情厭猶自依依撲面飛

白蠅

么麼弱質影依微屏迹無緣羽扇揮錦帳紛紜驚穩睡夢魂認是鹿玄飛

送濟堂家兄赴都

細雨平林綠滿堤燕山迢遞晚雲低聯鑣對灤臨歧淚君向畿東我內西

登饒陽城樓

僻邑無名勝重闥亦壯觀提封三面濶

縣境唯西

村落萬家寬早見滹沱徙還聞白馬乾

饒邑舊有白馬河今

添隋唐多反側曾此結龍蟠

謂竇建德安祿山

秋郊遠望

秋來消積水漸可辨平坡廣陌皆衰草高田有薄
禾林中棲鳥少瀦上沫魚多四顧空蒿目攀條望
斧柯

九日登文昌閣

驅車東郭門忽忽涼風至古木碧參天邃閣崇拔

地樞衣陟蘿磴岸巾臨苔砌淡靄既縈紆晴曦更
華麗俛窺戲水鱗仰瞻凌雲翅平遠具偉觀歷落
饒清致是日多游人大堤振青轡言本長房子登
高灾可避我生命由天豈信道家忌假此助遊興
聊復續勝事世短意常多淵明詩可味

是日俞雪坡山長章友陶少府署中集飲
東籬叢菊未敷黃且向龍山共舉觴九日風高人
作客三秋氣與鴈隨陽陳蕃不敢長懸榻彭萊何
妨獨卧牀笑我微才同戰線鴻文媿說序滕王

北溟叔濟堂兄返署後賞菊聯句

遇合終如此，淵紛紜緒似麻。日偏迷五色，模路竟
失三叉。解悶憑蕉葉，杜移情賴菊花。奇才天欲老，
梓還仗指南。車北

送年伯吾漁璜民部之武清

芳聲久溢浙西東，潦倒天涯似轉蓬。尺尺黃金懷
舊夢，時被吏議罷官文章印首。秋風藏釣酒，冷情偏暢
刻燭詩。成氣尚雄，此日雍奴重駐足。遙知湖上應
魚筒。

送北溟家叔南旋即和留別家君詩韻四
首

滿天風雪峭寒侵玉笛淒涼子夜音猛聽雞報初
報曉行人早起故園心

詩情酒意十旬餘契濶談心半榻於顧祖辰詩肯
借一榻照相

容牛榻於自此天涯南北異臨岐盼望渺愁余

從來骨肉本天真遊子思家白髮新料得高堂方

倚望情牽京國夢頻頻

登車不厭步遲徊姜被情多淚滿腮賦罷驪駒頻

致屬春風歸鴈約同來

塞上曲二首

朔漠寒威勁將軍正遠征弓開新月影箭落曉風

聲震馬心何壯躡蛙意不平從來麟閣上投筆牛
書生

六郡良家子兵威實壯哉旌旗漫地起鼓角動天
來瀚海新添戍單于早罷臺名王紛款塞一路凱
歌回

紀信墓

滎陽四面陣雲屯偶爾權宜社稷存豈有真王降
敵壘何妨假主詣軍門忠同丑父尸君位節比程
嬰報國恩想見英魂猶眷此西風殘照弔荒原

除夕飲酒次冢君韻

對此屠蘓酒他鄉強自歡官清氷署靜臘盡雪樓
寒冀北鳩儀一淮南鴈影單烏私情更急坐憶淚
頻彈

滄浪軒詩集

席帽山人江陰呂彥貞著

卷第二

庚戌

元日

咫尺王畿地卿雲四望多
寒光回黍谷春色到
滄沱舜日稱觴慶堯天
擊壤歌向陽花木近
最易沐恩波

送濟堂杖園兩兄南歸赴試即和留別原韻

吹堦遠伯氏仲叔又言旋試贈繞朝策爭推祖述
鞭長塗共攜手弱弟獨隨肩怕觸征人淚臨歧故
坦然

春日雜興四首

頻年蹤跡滯天涯獨客傷春緒似麻李賀囊中空
覓句莊周夢裏屢還家城臨白馬迷征旆地近盧
龍咽塞笳悵望芳郊風景異長堤官柳未成衙
極目平林徧綠蕪幽懷覽古重踟躕周遭固店城
千堞寂寞孤亭飯一盂紅草坡前風激烈黃旗壘
上月糝糊滄桑到處迷人代拍手精靈若可呼

愁中歲月易蹉跎又見春光去似梭趙北風情空
若此淮東消息竟如何斜陽陌上揚征轡細雨江
頭着釣蓑此日歸帆天際杳扁舟諒已渡黃河

堂扶國
兩兄

樓船昨歲下交州聞道干戈尚未休
養冠薜蘿投筆竟封侯龍門浪濶清烽火象嶺峯
高設置郵自古九真原內屬於今銅柱復長留

春閨二首

窻紗透日尚高眠底事鶯梭故故穿春色惱人無
意緒賣花聲過畫樓前

懶內粧臺貼翠鈿小姑背地試秋千祇因未解傷
春意鎮日花邊復柳邊

夜雨

驚風鳴鐵馬驟雨打疎櫺夢裏雷聲迅簾前水氣
腥薄衾中夜冷孤館一燈青到處恩波足愁霖不
忍聽

美人走馬歌

燕趙佳人美如玉遠山纖眉橫波目蒹葭玉樹各
有偶多情定當貯金屋胡廼柳枝隨風狂偕老坐
負溫柔鄉自言兜家素貧賤繫足絕少同心郎母

氏本工走馬技芳名早擬公孫娘兒初垂髻便習
此奔走衣食遊遐方年來嫁作蕩子婦相攜到此
心憂傷但見义手立道左兩旁觀者如堵墻夫婿
牽馬為授策𦏧𦏧擊鼓喧塵壤美人綠屨復紅袖
跨上雕鞍驅康莊捷似猿猱輕似燕四蹄蹴踏沙
飛揚往來馳驟若兒戲仰面倒看浮雲翔追風逐
電頗可擬左顧右盼何軒昂溷吏忽訝奔馬止纖
指陡勒金絲韁五陵少年生憐惜拱手邀過橋邊
宅袖中雙環持相貽美人俛首重歎息使君有婦
要有夫請看女蘿施松柏

夏日偶然作四首

朝來把卷就窻紗但得餘閒便灌花
鼓吹何人誇兩部生憎擾亂是鳴蛙

隔院呢喃燕子家橫空上下受風斜
高樓靜悄無人管細雨低飛啄落花

昨報新蟬在古槐今朝流響徧林隈
初鳴倍覺心神靜不待薰風入座來

昆蟲變化亦神靈水際沙間點點青
一樣邊庭多腐草如何照字少流螢

讀陶詩作

偶向北窗卧悠然懷彭澤案上遺詩在高吟聊自
適言言得我心相對笑莫逆涼風一以至清氣生
枕席夕陽忽在山更著花間屐東籬菊漸長綠葉
多秀色明朝須澆灌無使苦炎赫

聞雁有感

離人方獨坐又此鴈鳴秋羨汝偏南去憐吾尚北
留角弓相怨戒杖杜獨行憂好為通遙信排行感
異流

送家君赴密雲差次

落日旌旗去未央蕭蕭匹馬指漁陽風高黍谷勞

王事秋滿。檀山近。帝鄉塞草。迷離沙似雪。邊
笳淒切。月如霜。年來不見鮮于子。老叟支離卧石
塘。

秋夜

秋聲無賴。極蕭瑟。惱人心曲。砌鳴蛩咽空階。落葉
深酒酣。頻拔劍。興遏更挑琴。寄語隣家婦。休教搗
暮碓。

送業師左峰伯南旋

昔吾學樂時。從宦至幽燕。受業門墻下。歲月已三
遷。視我死猶子。善誘循循然。何期動歸志。一朝忽

言旋驅車出東郭。小子為執鞭。拱手立道左。先生
曰。勉旃。德行與文藝。君子貴能全。窮通有命在。勇
義學前賢。流光若逝水。毋為負華年。朔風生古戍。
落日黯遥阡。馬首各西東。歸來泣涕漣。獨坐思誨
語。書紳識心傳。

秋懷四首

家山孤負菊花期。獨客悲秋有所思。傲骨何妨留
故態。愁腸尚可貯新詩。鄉情永夜牽征鴈。旅況終
朝等逐麋。萬峯瑤函南面擁。不嫌史癖與書癡。
斷雲疎雨一天秋。塞上哀鴻字字愁。五兩寒風吹

下博二分明月夢揚州。微名尚未成。蝸角壯志何
須慕。虎頭信美。自傷非我。土天涯。王粲倦登樓。
兀坐蕭齋。靜掩門。蓬窗。幾共朝昏。窮途懶試東
山屐。冷眼頻虛。北海樽。一尺音書。千里香。百年風
雅。幾人存。髯叅短簿。無消息。落日依依。橘柚村
鵲。鵲原上。悵分飛。舊帶量腰日減。園目斷。江皋淒
夜。月身留京國。戀春暉。姜肱誼重。長同被。司馬情
深。數問衣。越鳥南枝。空悵望。霜蹄浪說。踏花歸。

李師澹泉家兄薪圃自南來署口占絕句

二首

髻齡早已荷栽培此日重勞枉駕來千里關山風
雪苦祇緣狂簡不知裁

分行鴈影隔江南聚首天涯徹夜談別後相思言
不盡匏樽對酌兩情酣

聞春圃濟堂兩兄遊泮水

兩生方拔萃二惠本超羣共立寒窗雪同分泮水
芹頻年遭白眼一旦附青雲旅館多愉快彌慚學
未勤

送俞雪坡山長歸嘉興

年來浪跡五雲游雪水苕溪望遠愁越國山川紫

短夢燕京風雨送孤舟長鬚不見隨銀鹿

雪坡客京師其

樓竊骨以逃

火色空聞客馬周此日吳江楓欲落歸帆

好賦大刀頭

除夕飲酒同新圃兄作

又此逢除夜高堂置酒歡梅花空繞夢蕉葉且驅寒刻燭情相契聯牀影不單親心方念舊休作塵聲門彈

辛亥

送家兄新圃南旋

兩月琴書共無端賦別離驛亭分手處旅客斷腸

時欲語聲先咽含情淚暗垂
季方年尚穉謂五弟誰
與問敲推

冢君調任青縣

此地稱繁劇從來報最難
衝途兼水陸終日廢眠餐
但恐慚名宦何心博美官
嘉言殊可繹民活一分寬

曉發

落落晨星影淒淒畫角聲
征途回首望猶見博陵

城

謁河間獻王墓

戰國紛紜橫議起。祖龍繼周作天子。相斯輔桀焚
詩書。說經諸生並坑死。天心不欲喪斯文。名儒廼
出天潢裏。是時六籍方表章。伏生毛公盡國士。百
孔千瘡尚多闕。爰獻雅樂贊治理。殘編斷簡遍搜
羅。萬世猶得說周禮。洙泗一脉長綿延。淮南浮夸
豈足比。我過樂城懷高風。低徊園墓意靡已。

暮次大城

柳色平舒暮。栖遲古道傍。地偏城似斗。田瘠水為鄉。
老馬嘶荒驛。疲牛卧夕陽。相傳齊尚父。曾此釣寒塘。

青縣謁盤古廟

首出開元會園陵獨在茲仙棺餘碧石溪水繞叢

祠

廟旁有盤古溝

木葉衣冠古金身面目奇洪荒無記載

舊志亦傳疑

春日登峭帆亭

都亭矗立畫橋東夾岍桃花曲徑通古木穩栖千
歲鶴輕舟斜趁一帆風峯巒隱現寒烟外樓閣參
差落照中欸乃歌聲鄉國似山光水影拾詩筒

家君乞休

年來松菊故園蕪宦海幡然欲改圖五斗懶求元

亮米三秋飽食季鷹鱸奚關舊譜難治縣祇為高
堂正倚閣剩有琴書雙篋在何須陽羨問膏腴

訪中山西山諸勝

嘗攷輿地志清州多名勝北地汶篁少脩竹此獨
盛萬竿拱西嶺扶疎封蹊逕中山更竒絕飛泉噴
石磴散注成瀑布雲日共輝映讀此早神往願耽
游觀興如何覽古餘名實均未稱豈繫聞見異抑
或陵谷更始歎盡信書未免譏過聽

家君致仕後親戚奴僕紛紛散去慨然有
感

若輩何深青親朋亦遠行幾人同卻瘠空自慕侯
羸貴賤知交態炎涼識世情試看重起日依舊似
蠅營

旅館雜興四首

嚴君懷勇退早慮故園蕪獨戀陶公菊難忘張掾
鱸菟裘無美宅陽羨有荒區際此承平日桑麻
正可娛

朋儕如逝鳥南北各分飛骨肉家駒共謂五弟奚童

銀鹿稀門前驚雀網室內感伊威祇有多情鴈投

林戀夕暉

時廷楨志寧兩從
子適家若赴饒邑

客館成空舍晴朝亦掩關隨肩憐弱弟依膝慰慈
顏市酒愁中罄江鄉夢裏還自傷同乳臭便識世
情艱

每憂薑桂性羈滯意何如舊德今猶在儉人世自
多馳心承色笑噬指感痒疴時母氏抱恙兩念方交迫
空抒勞者歌

重登峭帆亭

旅館無情緒旗亭憶舊游山河猶似昔風景已成
秋稚燕隨羣戲殘蟬曳響流尊壚歸興動倍覺起
離憂

秋日從家慈南歸時家君以交代事留饒
涼風天末至同上木蘭舟却羨帆南去還憐水北
流征鴻飛極浦孤鶴在橫洲不盡相思意銜杯獨
遣愁

滄州覽古五首

木門城

去國情何怱悠然愛獨醒豈無兄弟誼良友幽
冥

亞夫墓

本是從天下翻言反地中禍胎萌肉食無事訴秋

風

麻姑城

劉徹非仙骨何能到玉京經營竭民力多恐是文
成

五壘城

訪勝斜陽外秋風五壘城河間遺爰在煙水共淒
清

清風樓

清風何許去終古尚垂名不見登樓客唯聞落木
聲

東光舟次偶感

廢寺蒼涼落照餘
驚人鳥雀噪庭除
壁間古畫馳塵馬
架上殘經飽蠹魚
唄曲空傳傾法座
秋光遙憶滴幽居
滄桑過眼都如此
獨有知幾是二疎

秋夜舟中作二首

是處飛黃葉
孤舟夜泊灘
西風憎酒薄
冷露怯衣單
少畏關河險
途驚歲月寬
故園天上似
遙望路漫漫

秋光容易老
日夜櫓聲中
寂寞三更月
淒清兩岸風
天邊驚候鴈
枕上咽寒蟲
悵悵滄沱水
迢迢夢

不通

德州謁顏魯公祠

天寶當國李與楊盲奴鼓聲喧漁陽河北名郡二
十四無一義士懷忠良官家臨朝正太息平原忽
報軍威張不識真卿何人者廼能首義為民望召
募敢死士氣倍西與常山同袍裳弟兄觭角賊膽
破不敢南內爭封疆睢陽真源相繼起郭李用是
梟羊狼兩京收復帝反正我公大義臣民倡豈料
天心未厭禍藩鎮攜貳紛跳梁天子下詔往宣慰
藍面豎兜護言傷甘心蠅營復狗苟舐血恩義崇

朝忘赴火蹈湯那足畏八十老公心堅剛不死安
賊死李賊義勇真可登明堂紫陽褒美書法詳百
世猶作邦家光

夾馬營口號

憶昔香孩降流傳本洛濱英雄誇勝事記載詡多
聞野老偏談舊山僧慣講文銜杯聊妄聽亦足佐
餘醺

武城

偶過絃歌地言登莞爾堂一時敦學術千載挹輝
光白簡傳多誤青雲附欲彰澹臺游釣處本是在

嘉祥

臨清懷謝茂秦用愚山問茂秦故居不得
詩韻

眇目偏能享盛名
雞壇未免負平生
論交海內無
文舉相士閨中有
愛卿故國蓬廬衰
草沒長堤秋水碧
波平詩魂縹緲招
何處柳外歸鴉自
咽散

句云鴉歸疎
柳夜無聲

東昌道中

擊汰聊城道人冢
在水隈白楊巢父
墓黃葉仲連臺繞
郭求魚市當壚進
鵠杯山陽空訪舊
宿草不

勝哀

謂鄧年伯改勤

阿城候閘訪項王墓

荒墳何處是，所憤訪英雄。
弔古鴻圖盡，登原舊蹟空。
任人軍霸上，悔自棄關中。
到底青年輩，應輸白髮翁。

挂劍臺

落日荒郊土一堆，行人弔古立蒼苔。
塚前碧草多奇異，道是延陵挂劍臺。

宿遷尋伍相國故里二首

相國推鄉族，家聲重漢陽。
班荆曾話舊，謂伍舉改旆

早知方調伍極浦防多口

謂胥

重門感烈腸

謂胥

如何宿男國道是大夫鄉

策蹇尋遺蹟荒涼斷石存鞭尸殊已甚懸目亦何

言怨積臨淮水功高破楚門邱明古良史他說或

銜冤

鞭尸事見公穀史記吳越春秋唯左氏傳不載

渡黃河

陡岸波濤急新堤有破痕源從天上落流向地中

潭砥柱威靈獨龍門氣象尊三年重過此猶得賴

安敦

南昌亭懷古放歌

淮陰少落魄曾作南昌客朝饗并夕飧亭長總不
惜世人欲殺君獨憐異時何以酌厥德無端妻生
厭薄心晨炊不復具酒食嗟彼巾幗固無論丈夫
胡為亦吝嗇一旦變化遭風雲封齊王楚穀勢赫
樹大纛建高牙昔日糠粃今黍稷迺召亭長賜百
錢公小人也何足責吁嗟乎世態炎涼紛如茲男
兒窮達安能知君不見季子干主黃金盡妻不下
絰數見窘又不見買臣讀書當時咻妻欲決絕難
縈留自古如德本涼薄自遇野天尚冷落何況他
人逢餓驅幾見其巨眼而憐窮途不惜一飯以拯

轉溝壑之殘軀

寶應道中

安宜同釜底風雨望迷離郭外淮黃合堤邊市井
低水鷹飛極浦沙鴈啄遙溪把酒懷成武荒游史
策題

過文游臺有感

宋社邱墟久孤臺尚未淪峨嵋鍾秀地淮海聚星
晨遇合悲梟獍文章感鬼神可憐群小輩空作夢
中人

晚過如皋

兩月舟中住悠然故國情鄉音心乍喜客夢意頻
驚舵響知遙斷人喧覺近城前村多美酒聊復一
樽傾

賣魚灣謁文忠烈公祠

百里江鄉路無端石渚游漁灣懷跋涉樵徑感松
楸草木忠魂繞闕河正氣留縱然歸去晚幸得謁

山邛

公祠在石
港土山

九月十九日抵家口號二首

並秋上吳艘青色數楊柳忽忽露為霜我行亦水
久屈指將六旬始得歸田畝振衣隨母氏登堂拜

祖母欣然拊我背復執弱弟手兩兒皆頌長端可
慰衰朽爾父歸何遲豈不懷白首

檢我舊時書招我舊時友慰勞若平生笑問何所
有三日便刮目況復三年久感慨與悲歌燕趙古
才數江山皆助興期許良獨厚吾儕偷食者老死
在憲牖輸汝四方志行看為選首此事且勿道快
飲黃花酒

詠維揚八景八首

長堤春草

是處生芳草流芳獨范堤十塲連海甸一色徧山

蹊細雨沾鴻爪。春風趁馬蹄。甘棠遺愛在終古。望
萋萋。

古井甘泉

早已成胥井。甘泉尚著名。天心褒正直。地脉感精
誠。不愧稱廉讓。真堪薄寵榮。誰能更疏濬。百世挹
餘清。

錦繡遺榮

昔賢遊釣處。過客此停車。抗疏陳民莫。焚章拜主
嘉。烏衣猶號巷。綠柳尚題衙。想見簪纓盛。無慚三
戟家。

海山遠眺

古樓高不極望遠豁雙眸五嶺當門立三江入海
流梯航通外國鎖鑰壯神州此日妖氛息遙看井
邑稠

古寺鐘聲

古木前朝寺晨鐘繞佛廬魚音同宛轉唄曲共清
疎月落烏啼候霜寒鴈唳初楓橋吾未到風景更
何如

仙橋雲影

仙人橋上望刺有白雲飛王子吹笙去丁公跨鶴

歸空懷雙羽鳥不見五銖衣我亦蓬萊客桑田悵
已非

石港漁歌

魚灣烟水地處處扣舷歌信口都成趣隨時便自
哦江湖容嘯傲風月任婆婆適性多真樂長年老
一蓑

沙田牧笛

何處吹羌笛沙灘牧地遥有時隨蒹葭無意和錫
簫逆響藏花陌清聲度石橋往來牛背穩飽看海
門潮

冬日偶成二首

十七

種離茅舍野人居不喜門前俗客車
掃徑何曾除敗菊窺園獨自剪新蔬
嘯歌鎮日琴書共偃蹇空山禮法疎
莫訝寒威多栗烈昔賢屬意是三餘
閉戶攤書自在身山中猿鳥亦相親
車非問字殊多事僧不談禪最可人
畢竟杯傳還有味未曾容到若忘貧
清閒但遇林亭雪那怕寒溪數墊巾

冬夜有懷

對酒難為樂高齋夜欲闌
風簾一燈暗霜幙五更寒
賀監方辭綬梅仙早挂冠
如何遶歲暮猶自滯

長安

除夕聯句

同堂多樂事樓唱和有新篇此夜餘三刻杜明朝

又一年椿株猶北地梓棟萼自南天且酌屠蘇酒

樓嬰兒謂竹孫飲最先杜

滄浪軒詩集

席帽山人江陰呂彥貞著

卷第三

壬子

送伯兄薪圃之博陵

共此鴈鳩愛

用家君句

奔波獨有君應憐群弟弱早愧

寡兄勤海角辭紅雨天邊就白雲刀環期不遠何

事淚紛紛

山居四首

周遭曲水抱墻隈細雨空階長綠苔不敢桃花栽

滿徑尋春恐惹外人來

半脩竹未成林但免幽居起俗心
偶爾盤飧分嫩筍留餘自足快清陰

時鳥春來自在吟天機活潑任幽尋
開籠快放鳴禽去一樣山間送好音

東園隙地自芟鋤種菜終年美可茹
雨後故人來過我攜籃親手摘新蔬

羅浮蝴蝶二首

園內五色蝴蝶本王太守自廣州攜回種

迢迢嶺表本支繁寄住江東子復孫
日暖風恬閒戲水尋花問柳懶窺園

向傳蝶飛不出園外

遊神慣入莊周

夢弔影長驚杜宇魂

園內有杜鵑巢

杳渺雲峰何處是

峯雲

巖在羅浮山

羞隨衆蝶共翩翻

信美無須戀故都他鄉風味儘堪娛
清餐玉露甘如醴淡染油雲膩似酥
蓂采周身春共好芬芳撲鼻夢非孤
何人更覓桐花鳳伴侶招尋滿舊吳

古冢

草色何萋萋荒原多古墓白骨露黃沙
不封亦不樹念爾生存時安知無榮遇
飲食厭膏粱衣服美綉綺姬姜作妻妾
珠玉充府庫此日竟何有長年
侶狐兔可憐眼前人大迷鮮覺悟求田復問舍日

夜勞念慮空惹陳人笑浮生如寄寓

苦旱

田家紛蒔秧但待送梅雨及時仍稽澤不見商羊
舞禾稈漸就枯蒿目遍農圃頗聞太守賢愛民如
召杜泣官未三旬治縣知有譜使君好佛人奔走
祈梵宇念珠不離手慈悲懇救苦可憐搢紳輩亦
號如來祖豈料不我聞依舊成乾土

讀書西興館

獨尋書味樂終日對陳編淡泊心無忤幽閒意自
專禽魚皆助興花柳亦成緣自古憂遲暮毋為負

少年

五月七日家君自博陵旋里

終日翹首望言歸亦有時昨得尺素書朔旦發淮
夷淺水滯行舟遂愆五日期兒輩悉郊迎早得快
追隨咫尺隔蓬山高堂尚未知倚門復倚閭望遠
發長咨忽爾覩顏色喜極轉生悲握手至庭內猶
見涕交頤

喜雨

夫望歲心如望慈父母我父方言旋甘雨亦隨
後不歸興心苦不雨農心守公私兩愜懷何啻釋

重負既得聚一堂復可易百畝此夕樂融融痛飲
日陵酒

園內偶成

逼真稱萬綠繞屋樹參天徹夜芭蕉雨終朝楊柳
煙密堪藏宿鳥高可蔽鳴蟬縱少山林趣差強近
市廛

水車

妙用誰所創灌沃功最鉅轆轤自旋轉不假穿鑿
苦祇憑一斗力便可潤禾黍洩蓄並相資功效徧
稼圃年來客燕趙每就老農語降康但自天犧羊

御田祖旱潦皆袖手人力無可補始歎水車制南
人利自溥

紅蓮花

艷蕊丹英似醉容嬌嬈况復露華濃吳姬盪槳持
花去笑道前身是阿儂

白蓮花

六友群中淨絕倫冰姿玉質想精純誰言處士籬
邊老本是東林舊社人

錦邊蓮花

天孫雲錦不停機瓣瓣裁成合縫衣一夜人間都

散滿居然紅藥紫金園

贈彭大

半年同研席俎豆一先生蠹簡尋新得雞壇薄舊
盟依人愁作客視汝誼猶兄拜母山陽約還當訪
鶴城

苦蚊二首

二蟲蠅蚋並相較却殊倫嗜炙惟貪已嗜膚欲害
人寒儒偏受困烈婦竟亡身亦仗資生德吾將叩
昊天

覆載乾坤德鴻鈞利自然飲泉殊愧蚓餐露更羞

蟬一榻驚同睡三更攪獨眠短狐潛射影偏汝大
教傳

釣魚口號

不為求魚計臨淵羨未忘吞釣殊可喜脫餌亦無
妨豈澤輸稱散嚴陵擬學狂滿懷飛躍感寄興在
濠梁

莊外偶步

興來隨意往間聽水車聲亞旅忘賓主漁樵契姓
蛙群喧苻浦鳥影落衣棚暮色前村起沿溪閱
耦耕

秋蝶二首

花芳黯淡入深秋。滿眼繁華已不留。白紵雙梭空
織影。青霜一縷倍縈愁。當年縞素羸何晏。此日輕
狂薄魏收。莫便驚疑無迹鬼。仙姿幻化本羅浮。
雙雙猶自戲疎枝。不厭闌干淑景移。艷影風回爭
眼熱。香魂夢繞最情癡。偶逢日暖烟和處。即是桃
紅柳綠時。但得寒蛩散少歇。遊人應共認春嬉。

病中偶成

無端二豎忽纏身。獨卧匡牀懶笑顰。索食翻嫌饅
粥苦。加衾轉訝燠寒均。鏡中顧影驚奇鬼。枕上揮

毫送瘧神聞道高堂同染疾扶持勉強省清晨

枕上聞杜鵑

念汝殊無病如何晝夜呻
人
殺聲成血淚愁殺枕邊人

送梅浦伯北溟叔射江春圃濟堂三兄赴省

揚帆共上孝廉船艷說菰蘆有謫仙
阮氏一時分
大小荀家百里聚英賢梧桐點滴青溪雨楊柳清
隄白下烟顧我樗材多病感秋風空羨祖生鞭

園中桂花盛開戲占絕句二首

夢裏驚疑撲鼻香朝來叢桂已舒芳如何滿葉藏
金粟不似櫻桃鳥啄忙

江梅林下暗香浮月滿輸君獨占秋最是閨人多
愛惜房中處處綴花毬

西堂落成二首

豈必誇輪奐兼旬始告成三槐排石徑萬卷擁書
城地窄容旋馬春深好聽鶯吾儕媿安坐伯氏獨
經營

黃柑新酒熟野客喜頻臨屋角依松逕簷牙枕竹
陰詒謀堂構志式好弟兄心更續斯干詠熊羆有

吉音

家君五十壽詩

華年服政宦情灰恰好懸弧進壽杯
寄念尊鱸驚久住關心松菊喜歸來
閒看水馬攜王鑑戲著斑衣學老萊
自愛平生詩酒客藏鈎刻燭快追陪

泛知樂池

小舟輕似葉聊趁鯉魚風
石筍橫青嶂松濤落碧空
鶴閒依屋北鳥倦憩籬東
獨抱濠梁興何人與我同

家慈五十壽詩

吾家素清貧田畝不盈百賴有母氏賢夙夜勞經
畫回首弱齡時光景莫復憶祖母為余言汝父幼
遭厄失怙年十四家徒立四壁弱冠作秀才但知
事筆墨薄產本磽确水旱復螟螣餬口仗舌耕無
能救窘迫爾母子歸後殷憂未暫釋慷慨任家計
多方思輔翼白日費針指中夜勸紡績親身撻井
臼風雨罔休息十口免飢寒一人受勞勩事我倍
盡孝惟恐生鬱抑甘旨未缺養杯盤手自滌汝叔
與汝姑婚嫁殫心力卒能解我憂終身無德色中
年兒女多乳哺匪朝夕衣履徧縫紉他人未假借

汝曹受庭訓何嘗少憐惜時或佐義方篝燈自督
責不作禽犢愛書報伴夜織卅年完嫁娶祇曰循
婦職念彼亦官女幾曾艱辛歷中外播賢聲我心
實夷懌嗟爾猶孩童未能知稼穡異日成立時毋
忘恩罔極小子聞斯語不覺中心惻際茲設帨辰
彌復思令德拜手記彤管以為閨壺式

冬日四照亭晚眺

荏苒年華歲月流高亭又見冷光浮空波往復蘓
蘆障曠野迢遙黍稷收不斷西風黃葉寺無邊殘
照白雲樓何時頃刻仙花遍郭外人家在十洲

哭大姪竹孫

竹立今方始蘭芽昨忽抽割腸三世慟恻目一家

憂短命悲禽犢長生泣女牛

竹孫以七月初六日生

山翁猶

感數何況謝安流

過陳大司馬墓

斷碣前朝墓當年德望崇野牛窺衙草石馬卧長
風忤宦千言疏平蠻萬里功西原舊阡在司寇共

蒿蓬

謂梧崗先生

哭李師澹泉

弱歲春風坐燕南老益親可憐梁木壞不復雪花

新柳下生長賤黔婁死更貧桐棺驚莫措望斷脫

驂人

先生易簣日貧無以為殮
眾兄新圃濟堂為之經理

除夕偶成二首

臘盡春生感物華間中歲月過來賒童年博得無
愁緒蠟淚還堪賭八叉

經年餞歲旅情悲此日屠蘇酒不辭底事高堂眉
共鎖樽前祇為悵含飴

癸丑

元夕口號

綵山東望一輪升萬戶烟光徹夜凝我愛放翁詩

句好家貧只挂去年燈

送業師左峰伯赴

紫陌春風裊細塵
公車早識郭生巾
他年禁苑梅羹重
此日征途柳汁新
白髮瓊林留故事
青錢學士屬斯人
何須織錦翻花樣
但得明經便軼倫

鍾秀山

春嬉鼓棹畫橋西
蠟屐尋幽草逕迷
厯厯顏垣松鼠竄
深深古木竹雞啼
天開曠野雙流合
煙鎖孤城五嶺低
坐久漁歌聲滿耳
風光不減若耶溪

寶峰禪院

捫蘿踏蘚未言勞更訪招提逸興豪驚掠柳梢如
浴浪鶴棲松頂不驚濤樓開綠野峰千疊戶對紅
橋水牛篙滿眼秋光紛欲滴禪房花木淨塵囂
齋前玉蘭盛開偶為風雨所敗口占絕句

二首

二月瓊花面面開臨風彷彿玉人來封姨亦是姮
娥匹未許霓裳下露臺

雪貌冰姿絕世容粉痕銷盡淚痕濃可憐十二闌
干外竟作巫山十二重

建法輪寺

聞道龍津寺年來氣象新黃金爭布地白髮共輕
身聽法無頑石繡經有薦紳吾儕非佞佛祇為看
嬉春

春閨詞二首

從來多事是春風策柳催花綠復紅不顧深閨人
寂寞故教蜂蝶鬧芳叢

爭傳古寺說經新夾道紅粧訪麗春姊妹空階相
顧笑何時攜手步香塵

柳絮

春遊正過賣餠天柳絮輕狂撲細煙任意偶飄流

水上多情祇應落花邊
迷離紫陌黏油碧
擾亂青
閨拭翠鈿
好趁東風能變化
莫教更結綠萍緣

咏虞美人

萬古空山草木靈
由來情種屬娉婷
君看滿眼黃
沙月獨有明妃冢
印青

即事

偶爾招尋到碧堤
清娛觸處見天倪
風前馬棘生
原隰雨後鳬茈菰
野畦別緒何堪姑
惡叫芳心不耐子
規啼
幽居雅意觀元化
類聚群分物可齊

詠螢

點點清輝絢碧津微風飄颻去來頻光明直可稱
君子匿伏還當遠小人散斛羞將淫巧蕩盛囊雅
與簡編親最憐扈蹕能忠主腐草居然氣節新

夏日即事

何處消長夏閑閑步曲潯魚游菰浦淺鳥入竹林
深片石多奇勢高梧有遠陰湍懷清靜趣不用更
披襟

詠史八首

我聞鬼谷子避地潁水濱志不求聞達草茅若終
身如何所著書盡是干時言揣摩與捭闔縱橫啟

儀秦傲游王公側鼓舌復搖唇一語召干戈百年
苦沈淪周室由此滅大命歸西隣春秋誅首惡定
當屬斯人

亞聖惡賊道橫議首末瞿念彼取為我狂猷猶易
熄獨有兼愛說舉世皆迷惑孔墨至並稱漢唐終
未息昌黎且若此餘子何足責迄今兩家言無人
更考覈厥功比神禹斯言非創獲無如二氏起仁
義更充塞或曰老近楊佛氏酷似墨無父與無君
淵源本一脉鼎立號三教依然同戰國卓卓子與
氏知來具先識時無聖人徒邪說誰能關

五尺羞桓文獨自廣川發一脉接鄒魯豈曰迂
濶馬鄭亦名儒志欲補殘缺所重在箋疏無能分
本末武侯方崛起絕意求聞達讀書觀大意不屑
群言恬惟靜學斯成一語六經括實開宗儒先由
此探理窟漢世稱儒者毛鄭暨諸葛卓哉明道論
識見何超拔 聖代列從祀萬古開鶻突

景畧謁元子本欲為晉用豪傑數未至廼始就梁
雍仕秦非初心豈肯絕龍種惓惓臨終言屬意扶
正統識量邁右侯管樂可伯仲相業在五胡真不
媿梁棟念彼捫蝨時懷才欲自貢被褐談時務不

待三顧重出處較武侯何啻難與鳳

五胡紛代興天心啟元魏以彼較苻姚亦自同閭
位末葉禪字文隋唐統有自儻曰承正朔梁陳未
可棄南北不相屬拓跋無位置古來正統論史官
少成議分合本何常順逆揆理勢莽丕實同惡祇
因成敗異縱能傳數葉疇曰非僭偽試觀古寒浞
紀年仍夏世獨欲黜季漢母乃自破例

唐文憚魏徵漢武畏汲黯二帝並雄才迺為直臣
敎所幸逢明主始得成勇敢亂世亦批鱗獨有元
達膽由來古遺直平生未學諂高風懷斷裾英氣

窺折檻。豈曰沽美名。事君在有犯。

阿摩藏諸李隋室。非治世貞觀。有道主嫌疑。及小
字天命。本不諂殺戮。良多事我觀。齊中葉田氏。方
厚施光遠。自他耀著龜。言有自遙想。路寢歎或亦
懷猜忌。無字早為捍。直言無畏避。如何終坦率。悠
然未介意。命在任。自為采祖多淵思。

金源起海上。燕雲如破竹。蒙古入居庸。河朔疆日
蹙。感想彼遲雄。心兵力自完。足豈假南人。助犄角。同
遊鹿。就使未背盟。早已覘全局。唇齒亦遠慮。其如
非我族。但能得賢才。或可議恢復。蔡攸本共驩。趙

蔡非頗收豎儒誤乃公轉眼社已屋我懷費大偉
大事真可屬

秋夜

夜色明如鏡秋聲不斷來微風度疎竹清露拭深
苔獨對東山月空懷北海杯吟蟲何急切伴我共
徘徊

凌霄花

偶然餘塵庇竟爾號凌霄近日光先照當風影不
搖脆枝情轉傲薄植意偏驕到底輸松柏寒冬自
後凋

翡翠行

有鳥何翩翩，倪首瞰深淵。羽毛既豐滿，顏色亦新鮮。
想彼顧盼頗，自愛雌雄天然作。匹對無端弋人紛，
張羅摘毛刷。羽骨肉碎西北，誰家最高樓。大姊買來誇，
小妹纖手拈。入黃金鈿，照鏡更添娥媚態。吁嗟乎，
象有齒，豹有皮。文米豈堪持，熊有掌，麝有香。尤物實遭戕，
從來物理盡如此。不獨爾為美色死。

漁象

我家濠河北，門對楊柳渡。渡頭兩三家，浩渺臨水。

住茅舍各十笏所有唯漁具八口共棲息朝朝復
暮暮我行溪水濱偶與老翁遇問魚曾幾何而能
活婦孺吾儕日晏坐猶自畏多露念汝衰朽年終
歲謀啜哺苦雨與淒風豈能無恐懼餬口亦多方
改圖或未誤粲然笑不答櫂歌自來去

九日登西土山

登高但為錦囊詩不信神仙度厄奇屐齒霜痕苔
逕破檐牙日影行窻移山從木葉稀中見水到蘆
花密處遲獨有僧家偏愛客談禪煮茗更敲碁

秋柳二首

長堤秋色滿征鞍最是關心有柳條幻化徒憎狂
士肘輕柔尚記女兒腰東風漢苑懷三起碧水秦
淮訪六朝多少行人都感舊夢迴何處赤欄橋
萬戶寒砧暮有聲衰楊不斷到邊城空留老馬垂
條繫尚賸殘蟬蔽葉鳴紫陌高樓銀海淚黃沙古
戍玉關情年來寄迹燕山道驛外津頭幾送行

讀穆天子傳

幼讀左氏書三復右尹對穆后欲肆心轍迹周海
內幸獲沒祗宮德音賴忠誨此傳實注脚叅攷知
徃代或疑書晚出未免多附會竊謂文字古後儒

慙記載列子已先稱斯言非荒昧存此作龜鑑亦足昭法戒

冬日西爽館坐雨

冷館耽枯坐頻驚點滴聲孤桐方悄靜寒竹轉淒清石潤蒼苔秀溪回碧浪生獨懷書味樂魚鳥澹忘情

懷冢君姑蘓

七里山塘路寒林噪暮鴉西風生鄧尉想見問梅花

冬寒四首

栗烈原冬令今朝分外寒無風猶慘淡不雪亦摧殘
驟覺肌生粟翻疑凍入餐嚴威何太逼竟似布
衣單

白日慘無色空談欲負暄風尖寒透壁霜重冷封
門凍雀依舊暖飛鴉戀竈溫滿天衰聽衆懶復步
林園

入暮尤淒切遙空夜色凝寒光生片月冷氣澹冰
燈獨怯衾如水頻驚袖有水縱拚羔酒醉終似凍
蠅

畏寒徒袖手忽忽度三餘凍筆呵無益寒理坐不

舒重裘。猶若此。短褐更何如。尚有闕山客。天涯未
駐車。

除夕前一日家君至自姑蘓即和口號原
韻二首

闔廬城外唳鴻頻。久客空羈歲暮身。夜半柴門驚
剝啄。滿天風雪有歸人。

披衣問訊喜如狂。欲盡年光返故鄉。老至
猶待報春風。又恐馬蹄忙。